

LIBER PRIMVS, DE CONCILIIIS ET ECCLESIA.

PRÆFATIO.

SACRORVM CONCILIORVM AVCTORITATEM, qua semper in Ecclesia magna fuit, aduersus multiplices hereticorum fraudes & calumnias, his libris pro viribus defensurus, antequam ad rem ipsam aggrediar, pauca quadam putavi esse dicenda de summa atque incredibili calliditate, quam ad hanc eleuandam auctoritatem Satanae administri nostris temporibus adhibuerunt. Etenim quoniam sacrosancta Conciliorum auctortas in Ecclesia Catholica, ut par erat, semper eminuit, & sepe in maximis rerum perturbationibus, ad dissipandas errorum tenebras, quasi fulgor quidam salutaris illuxit, non existimauit hostis humani generis posse diutius se discordias in Ecclesia serere, & schismata, atque hereses conseruare & propagare, nisi iudicia Ecclesiastica de medio tolleret; & cathedram illam euerteret, ex qua Christus ipse per homines sonans, & iudicans, omnes fidei controuersias litesq; componit.

Itaque Lutheranos excitauit homines, ut ad fallendum paratos, ita proiectos ad mentiendum, qui quidem, cum initio nullo modo fieri posse crederent, ut summus Pontifex ad indicendum generale Concilium adduceretur, ceperunt ipsi magna contentione simul & Pontificem grauitate accusare, & aduersus eundem Pontificem Concilij generalis opem implorare. Ita enim fore arbitrabantur, ut & quacunque uellent scelera atque flagitia, quamuis falsa & incredibilia, de Pontifice libere spargere, & eum apud omnes Christianas nationes reum maximorum criminum facere sibi liceret, & ipsi interim non Ecclesie hostes esse, ut re ipsa erant, sed viri amantes pietatis, fideique zelum habere, quippe qui Concilij auctoritatem agnoscerent, ab omnibus indicarentur. Quocirca tot & tam atrocibus calumniis, & maledictis, & uoce, & literis Christi vicarium onerauerunt, ut permultis, magnisq; nationibus plane persuaserint, eum non Christianum profulem, sed Christi iuratum hostem, atq; adeo ipsum uerum, & proprie dictum Antichristum esse.

Orationem certe immensam susciperem, si ea mendacia percensere uellem, quibus heretici huius temporis in omnibus penè libris, & sermonibus